

植物名實圖考

植物名實圖考卷之十四

固始吳其濬著

蒙自陸應穀校刊

隰草類

苧麻

二圖

苦苣

甘蔗

馬鞭草

牡蒿

蘆

鼠尾草

龍常草

苧麻

蒲公草

鯉腸

三白草

水蓼

劉寄奴 又一種

龍葵

狗舌草

莢蒿

鼠麴草

槌胡根

鴨跖草

鬼鍼草

毛蓼

地楊梅

鑿菜

茜

紅花

燈心草

穀精草

狼把草

木賊

黃蜀葵

萱草

海金沙

雞冠

胡盧巴

火炭母草

小青

地蜈蚣草

攀倒甌

秦州無心草

麗春草

水英

見腫消

九牛草

出節草

陰地厥

水甘草

竹頭草

莠竹

迎春花

千年艾

剪春羅

箬

淡竹葉

半邊蓮

鹿蹄草

水楊梅

紫花地丁

菩薩草

胡堇草

石道筵草

苦芥子

剪刀草

田母草

布里草

地芙蓉

黄花了

田麻

苧麻

一
臨草卷之十四



苧麻

苧麻別錄下品陸璣詩疏紵亦麻也袁政全書謂紵從絲非苧
北地寒不宜考救荒本草苧根味甘煮食甜美許州田園亦有
種者蓋自淮而北近時皆致力於棉花禦寒時久而禦暑時暫
絺綌之用唯城市爲殷故種蒔者少耳野苧極繁芟除爲難不
任績山苧稍勁花作長穗翹出稍異

粵農曰徐元扈謂北方無苧詩可以漚紵紵爲絲此誤也苧
麻屬故言漚絲不可漚苧苧皆草絲則非其類江南安慶寧
國池州山地多有苧要以江西湖南及閩粵爲盛江西之撫州

建昌寧都廣信贛州南安袁州苧最饒緝繡織線猶嘉湖之治
絲宜黃之機上白市者驚其名然非佳品寧都州俗無不緝麻
之家敏者一日可績三四兩鈍者亦兩以上請織匠織成布一
機長者十餘丈短者亦十丈以上四五兩織成一丈布者爲最
細次六七兩次八九兩則粗矣夏布墟則安福鄉之會同集仁
義鄉之固厚集懷德鄉之璜溪集在城則軍山集每月集期土
人商賈雜遝如雲計城鄉所產歲鬻數十萬緡女紅之利普矣
石城縣志亦曰石邑夏布歲出數十萬疋外貿吳越燕亳間贛
州各邑皆業苧閩賈於二月時放苧錢夏秋收苧歸而造布然

不如寧都布潔白細密苧以瘦韌潔白爲上其黃者曰糙麻婦
功間曰緝濯柔細經時累月織成一衣曰女兒布苧之精者無
逾此居人服之商賈不可得也湖南則瀏陽湘鄉攸縣茶陵醴
陵皆麻鄉往時巴陵道州武陵郴州皆貢練紵今則並瀏陽上
供亦栽肥地苧深四五尺剥至三四次擇避風處蒔之夏有苧
市捆載以售溪蠻叢笑云漢傳載闌干闌干獠言紵巾有績治
細白苧麻以旬月而成名娘子布則亦女兒布之類非僅獠俗
也苗人據矮機席地而織設虛場以麻布易所無也寰宇記宜
州有都洛麻狹幅布今語曰多羅麻廣西志梧州出絡布以絡

麻織成因名並苧類也桂海虞衡志練子出兩江川崗大畧似苧布有花紋者謂之花練彼人亦自貴重嶺外代答邕州左右江溪崗產苧麻土人擇其細長者爲練子暑衣之輕涼離汗者也花練一端長四丈重數十錢卷入之小竹筒尙有餘地以染真紅尤易著色厥價不廉稍細者一匹數十緡也粵之新會有細苧蓋左思所謂筒中黃潤者凡疊布必成筩一筩十端而葛之大者率以兩端爲一連苧則一端爲一連他布則以六丈爲端四丈爲疋此其別也禹貢曰島夷卉服傳曰島夷南海島上夷也卉草也卉服葛越也葛越南方之布以葛爲之以其產於

越故曰葛越也左思曰蕉葛升越弱於羅紈正義曰卉服葛越蕉竹之屬越卽苧麻也漢徐氏女贈其夫以越布鄧后賜諸貴人白越是也漢書云粵地多果布之湊韋昭曰布葛布也顏師古曰布謂諸雜細布皆是也其黃潤者生苧也細者爲綵粗者爲苧苧一作紵禹貢曰厥匪織貝傳曰織細紵也疏曰細紵布也其曰花練曰穀縷曰細都曰弱析皆其類志稱蠻布織蕉竹苧麻都落等麻有青黃白絡火五種黃白曰苧亦曰白緒青絡曰麻火曰火麻都落卽絡也馬援在交趾嘗衣都布單衣都布者絡布也絡者言麻之可經可絡者也其細者當暑服之涼爽

無油汗氣練之柔熟如椿椒繭綢可以禦冬新興縣最盛估人
率以綿布易之其女紅治絡麻者十之九治苧者十之三治蕉
十之一紡蠶作繭者十之一而已又有魚凍布莞中女子以絲
兼紵爲之柔滑而白若魚凍謂紗羅多浣則黃此布愈浣則愈
白云

苧麻

五


隰草卷之十四



直方本草圖考

苦苣

臨草卷之十四



苦苣

苦苣別錄下品李時珍以爲爾雅鉤苣卽此今江西有一種野
苦菜南安謂之地膽草與李說符



甘蕉

甘蕉別錄下品生嶺北者開花花苞有露極甘通呼甘露生嶺南者有實通呼蕉子種類不一具詳桂海虞衡志諸書李時珍以甘露爲囊荷說本楊慎殊不確



馬鞭草

馬鞭草別錄下品李時珍以爲卽圖經龍牙草處處有之人皆知煎水以洗瘡毒

牡蒿

九

照草卷之十四



牡蒿

牡蒿別錄下品爾雅蔚牡蒿陸璣詩疏以爲卽馬新蒿本經別錄分爲二物唐本草注以爲齊頭蒿李時珍所述形狀正似救荒本草之水棘菜今澤潞亦有之微作蒿氣姑存之

恒勿之圖考

蘆

下

恒勿之圖考



蘆

虛別錄下品夢溪筆談以爲蘆葦是一物藥中宜用蘆無用荻
理然今江南之荻通呼爲蘆俗方殆無別也毛晉詩疏廣要引
證頗核附以備考

雫嬰農曰強脆而心實者爲荻柔纖而中虛者爲葦澤國婦孺
瞭如菽麥但南多荻北多葦北人植葦於污凹曰葦泊掘其芽
爲蔬曰葦筍織其花爲履曰葦絮緯之爲簾曰葦簿縷之爲蒲
曰葦席以蔭院曰花障以葦屋曰仰棚朽莖則以燭栗新葉則
以葦枝提之爲籠圍之爲圃覆墻以禦雨築基以避城皆蓮之


功也大江之南是多荻洲爲柴爲炭則竈窰所恃也其灰可煨
可烘爲防爲築則隄岸所亟也其芽可食可飼幽燕以葦代竹
江海以荻代薪故北宜葦而南宜蘆又葦喜止水荻喜急流弱
強異性固自不同



鼠尾草

鼠尾草別錄下品爾雅勤鼠尾注可以染皂草也救荒本草謂之鼠菊葉可煤食細核所繪形狀與馬鞭草相彷彿

龍常草





苧麻

苧麻唐本草始著錄今作絲麻作繩索者北地種之爲業

粵妻農曰說文絲麻屬周禮典臬掌布總縷紵麻草之物注麻
臬苴草葛讀今臬苴已不列於穀食衣棉花而絺葛苧麻之爲
用賤矣獨絲以捆縛取用多河濱數百里廣種之以備隄工之
購與蜀黍之稽並亟考瓠子之歌曰寧長菱宋史河渠志曰辨
竹紵芟大要皆索草爲絢耳絲之直既逾於草而經久豈止相
什百然昏墊之患不息漢武有曰爲我謂河伯兮何不仁今齊
豫揚州間其間碑爲河可勝紀哉或謂隄防始於縣而舊說皆

以爲鯀竊帝之息壤以堙洪水息壤在荊州羅泌路史臚叙蒸
詳今荊州志亦載之云非金非石有篆不可識昔歲大旱邑人
掘之甫露其石屋大風雨江水驟漲州幾爲魚亟封之水乃退
其事甚恠然則羣山萬壑下夔陵逾荆門而不橫決郊郢遠滋
與幡豕滄浪爭道者其息壤之爲之耶嗚呼世無神禹不能廝
二渠以導九河耀之高地儻復有息壤可竊用塞衝決之口其
視以稽嶽區區投黃金於虛牝者其可同日語哉

蒲公英



蒲公草

蒲公草唐本草始著錄卽蒲公英也野菜譜謂之白鼓釘又有
字字丁黃花郎黃狗頭諸名俚醫以爲治腫毒要藥淮江以南
四時皆有取採良便



鱧腸

鱧腸唐本草始著錄卽旱蓮草李時珍謂有兩種白花者爲鱧腸黃紫花而結房如蓮房者爲小連翹救荒本草蓮子草結實如蓮房卽此



三白草


三白草唐本草始著錄西陽雜俎亦載之形狀詳本草綱目組
南俚醫治筋骨及婦人調經多用之

零叟農曰三白草江南農候也余驗之其葉白不愆於素移植
過時乃不復白不似他草木花可遲早也望杏瞻蒲此爲的矣
陶蘇皆未識蘇所說乃馬蓼有黑點者此草喜近水濱江右湘
南土醫習用其方多於本草綱目所載大約江南諸藥惟陳藏
器搜羅最博核惜不盡得其圖嘉祐本草引列而未能詳釋半
爲有名未用可謂遺憾



水蓼

水蓼爾雅薔虞蓼注澤蓼唐本草始別出與陸生者同唯陸水
深淺有大小耳俚醫以陸生者爲麩蓼不入藥生水中共者爲地
蓼能治跌打損傷通筋骨方書不載



劉寄奴

劉寄奴南史載宋高祖射蛇事故名劉寄奴唐本草始著錄所述形狀與本草綱目微相類今江西湖南人皆識之蜀本草葉似菊花白色與救荒本草野生薑一名劉寄奴相類蓋別一種即菊葉蒿也南方草藥治損傷有效者多呼劉寄奴別無他名皆附於後

直勿之草圖考

劉寄奴

三

隰草卷之七十四



劉寄奴 又一種

劉寄奴卽野生薑獨本草以爲劉寄奴葉如菊排生莖花俱如蒿而花色白結黃白小蒴俗呼菊葉蒿



龍葵

龍葵唐本草始著錄李時珍以爲圖經老鴉眼睛草俚醫亦曰天泡果其赤者爲龍珠處處有之

狗舌草



狗舌草


狗舌草唐本草始著錄有小毒塗瘡殺蟲按圖多相肖而無的識存原圖以備考

植物名圖考

莪蒿

五

際草卷之十四



莪蒿

莪蒿詩經菁菁者莪陸疏莪蒿也爾雅莪羅郭注蘆蒿本草拾遺始著錄本草綱目以爲卽抱娘蒿救荒本草作抱娘蒿葉碎茸細如鍼色黃綠嫩則可食與陸疏符合埤雅以角蒿爲蘆蒿殊爲臆說




鼠麴草

鼠麴草本草拾遺始著錄李時珍以爲卽別錄鼠耳藥對佛耳草酉陽雜俎蚍蜉酒鼠耳也卽此今江西湖南皆呼爲水蟻草或卽蚍蜉酒之意煎餅猶用之

零婁農曰鼠麴染糯作餛色深綠湘中春時粥於市五溪崗中尤重之清明時必採製以祀其先名之曰青其意以爲親沒後又復見春草青青矣嗚呼雨露旣濡君子履之必有怵惕之心彼雖蠻獠其報本追遠有異性乎宋徽宗有詩曰鼠耳初生認禁煙寒食賜火威里尋春清明上河圖中一段美景不知南渡

後造憶帝京景物猶有廟貌如故鍾簋不移之念否

提胡根



槌胡根

槌胡根本草拾遺始著錄今江西湖南亦有之俗皆謂之土當歸根似麥門冬而微黃亦甜



鴨跖草

鴨跖草本草拾遺始著錄救荒本草謂之竹節菜一名翠蝴蝶
又名筴竹葉可食今皆呼爲淡竹無竹處亦用之

鬼鎮草

三九

隱草卷之十四



鬼鍼草

鬼鍼草本草拾遺始著錄秋時莖端有鍼四出刺人衣今北地猶謂之鬼鍼



毛蓼

毛蓼本草拾遺始著錄主治癰腫疽癩引膿生肌今俚醫亦用之其穗細長花紅冬初尚開葉厚有毛俗呼爲白馬鞭


地楊梅



地楊梅

地楊梅本草拾遺始著錄云如莎草有子似楊梅今小草中有
之治痢亦同按圖似卽水濱水楊部與原說不肖姑存之以備
考

整菜




經野史卷之十四

鑿菜

鑿菜本草拾遺始著錄李時珍以其似益母草白花遂以爲白
花益母草然原書謂味甜有汁則非益母一類存原圖俟考



茜



三

隰草卷之十四

茜

茜爾雅茜蔓于注多生水中一名軒于本草拾遺生水曰中狀如結縷草而長馬食之李時珍併入別錄有名未用之馬唐又以為卽薰薹之薹恐未確江西水茜草極多作志者多以為卽蔓草按蔓亦非草名

琴瑟漫曰子產曰吾臭味也而敢有差池大學曰如惡惡臭臭必惡而後屏非與香對稱周人尙臭臭陰臭陽灌用也臭者芳氣也薰薹有臭後人以薹爲穢草然則薰之臭亦穢耶寇宗奭以拾遺之水茜釋薰薹孫公談圃以香薹爲茜二說皆未知所

本然談圃說長李時珍宗衍義而駁之蓋未深考



紅花

五

原草卷之十四



紅花

紅花漢書作紅藍花種以爲業開竇本草始著錄今爲治血要藥救荒本草葉可煤食出西藏者爲藏紅花卽本草綱目番紅花

粵叟農曰紅藍湖南多藝之洛陽賈販於吳越歲獲數十萬緡其利與棉花侔故俗諺有紅白花以染物其直同於所染然歷久不渝紅旣正色又不爲燥濕寒暑變節有士君子之行顧價必善或歲不登則益貴江以南煮蘇方木浸之以爲樸而潤色以紅藍色近紫有耀價賤易售其殆土之乏其實而驚其名以

自銜者然風日炎曝雨微沾濕輒斑駁黥澆失其所耀婦稚皆
賤之有其始不能要其終求與黑黃蒼藍爲伍而不可得非所
謂的然而日亡者歟故君子著誠而祛僞

燈心草




燈心草

燈心草開寶本草始著錄草以爲席瓢以爲燈炷江西澤畔極多細莖綠潤夏從莖傍開花如穗長不及寸微似莎草花但醫謂之水燈心蓋野生者性尤清涼

植物名實圖考

穀精草

穀草卷之十四



穀精草


穀精草開寶本草始著錄本草綱目述狀頗確今以爲治目疾

三三集

根柢草

三

原草卷之十四



狼杷草

狼杷草宋開寶始著錄療血痢至精爾雅椶烏階注烏杷也子連著狀如杷可以染皂疏今俗謂之狼杷是也李時珍併入拾遺卽耶亦可但椶杷注釋甚晰改杷爲罷出於臆斷亦近輕侮

木賊

五

照草卷之十四



木賊

木賊嘉祐本草始著錄今惟治目醫用之物類相感志木賊軟
牙蓋治木角之工所恃以爲光滑者通呼爲節節草亦肖其形



黃蜀葵

黃蜀葵嘉祐本草始著錄與蜀葵絕不類俗通呼爲棉花葵以其色似木棉花也花浸油塗湯火傷效亦爲瘡家要藥



萱草

萱草詩經作諶嘉祐本草始著錄有單蕙重瓣兗州臺州類以爲菜舉蘇燭忿萱草忘憂爾雅翼以爲得諶草謂安得善忘之草世豈有此物哉萱諶同音遂以命名但說文蕙令人忘憂草引詩作蕙又作獲則忘憂之名其來已古南方草木狀水蔥花葉皆如鹿葱出始興婦人佩其花生男非鹿葱也則所謂宜男者又他屬矣萱與鹿葱一類晏文獻云鹿葱花中有鹿斑又與萱小同大異則是以層多有點者爲鹿葱單瓣者爲萱羣芳譜有黃白紅紫麝香數種然皆以黃色分淺深靈萱色如蜜淺黃

色黃紫則深黃而近赤至謂鹿葱葉枯而後花花五六朵並開於頂得毋以石蒜之黃花者爲鹿葱耶忘憂宜男鄉曲托興何容刻舟膠柱世但知呼萱草摘花作蔬惟滇南婦稚皆指多層者爲鹿葱邊地人質其名宜有所自

雪蓼農曰宋林洪萱草贊序何處順辛六合時常食此無亦邊事未平憂心不忘耶余觀丁謂之南竄也其詩曰草解忘憂憂底事丁蓋不知憂底事

海金沙

卷

隰草卷之十四



本草綱目卷之三
海金沙

海金沙嘉祐本草始著錄江西湖南多有之俚醫習用如本草綱目主治

雞冠

呈

隰草卷之十四



鷄冠

鷄冠嘉祐本草始著錄俚醫亦多以治紅白痢崩帶血症其性極峻虛弱者慎之

胡蘆巴

本草綱目卷之十四



胡盧巴

胡盧巴嘉祐本草始著錄圖經云生廣州蓋番直茂子種之而生不具形狀

火炭母草

三七

隰草卷之十四



火炭母草

火炭母草宋圖經始著錄今南安平野有之形狀與圖極符俗呼烏炭子以其子青黑如炭小兒食之冬初尙茂俚醫亦用以

洗毒消腫



小青

小青宋園經始著錄亦無形狀今江西湖南多有之生沙壩地
高不盈尺開小粉紅花尖葉下垂冬枯春發呼矮茶性寒俚
醫用治腫毒血痢解蛇毒救中暑皆效

雪嬰農曰此草短而凌冬命曰小青微之也然粉花丹實彌滿
阡谷而移植輒不茂百尺之松盈握之梅斷而揉之盤屈於尊
在間以供世俗之狎玩彼干霄傲雪之概亦安在哉此小草乃
有介然不可易者因爲詩曰猗彼寸莖被於陵阿根髮如寄葉
稜不柯生機斯淺渺此么麼從其么麼霜霰若何彼爾者華其

實則赤在瘠而豐處沃而腊亦既封之其葉有澤雖則有澤終
不我憚不憚奈何亦返其初巖巖苦霧萋萋紫蕪如鴉懸若如
鳩捨榆以生以蕃何寧何斂

地蜈蚣草

五

隱書卷之十四



地蜈蚣草

本草綱目地蜈蚣草生村落墜野間左蔓延右右蔓延左其葉密而對生如蜈蚣形其穗亦長俗呼過路蜈蚣其延上樹者呼飛天蜈蚣根苗皆可用氣味苦寒無毒主治解諸毒及大便不通搗汁療癰腫搗塗并末服能消毒排膿蜈蚣傷者入鹽少許搗塗或未傳之 按此草湖南田野多有之俚醫以爲通經行血之藥宋圖經地蜈蚣生江寧州村落間鄉人云水磨塗腫毒醫方鮮用卽此草也李時珍遺未引及

藥倒靛



攀倒甌

圖經攀倒甌生宜州郊野味苦辛寒主解利風壅熱盛煩渴狂語春夏採葉研搗冷水浸絞汁服之甚效其莖葉如薄荷一名接骨草一名斑杖莖按攀倒甌湖南土呼攀刀峻聲之轉也形正似大葉薄荷莖圓枝微紫對節生葉梢頭開小黃白花如粟米俚醫云性涼能除瘴與圖經主治亦同新化縣志作斑刀箭劍牛易肥諺云要牛健斑刀箭

秦州無心草



秦州無心草

宋園經無心草生商州及秦州性溫無毒主積血逐氣塊益筋
節補虛損潤顏色療澀洩腹痛三月開花五月結實六七月採
根白陰乾用之



麗春草

圖經麗春草味甘微溫無毒出檀嶠山川谷檀嶠山在高密界河南滎陽郡潁川及譙郡汝南郡等並呼爲龍羊草河北近山鄴郡汲郡名蔓蘭艾上黨紫團山亦有名定參草一名仙女蒿今所在有甚療癩黃人莫能知唐天寶中因潁川楊正進名醫嘗用有效單服之主療黃疸等其方云麗春草療因時患傷熱變成癩黃遍身壯熱小便黃赤眼如金色而又青黑心頭氣痛邊心如刺頭旋欲倒兼脇下有瘕氣及黃疸等經用有驗其藥春三月採花陰乾有前病者取花一升搗爲散每平明空腹取

三方寸七和生麻油一盞頓服之日惟一服隔五日再進以知
爲度其根療黃疸患黃疸者搗根取汁一盞空腹頓服之服訖
須臾卽利三兩行其疾立已一劑不能全愈隔七日更一劑永
瘥忌酒麪猪魚蒜粉酪等

游黙齋花譜麗春紫二品深者鬚青淡者鬚黃白亦二品葉大
者微碧葉細者竊黃而竊黃尤奇素衣黃裏芳秀茸若新鵝之
毛竊紅似芍藥中粉紅樓特差小視凡花之粉紅十倍

本草綱目李時珍曰此草有殊功而不著其形狀今罌粟亦名
麗春草九仙子亦名仙女嬌與此同名恐非一物也當俟博訪

水英

五五

照草卷之十四



水英

圖經水英味苦性寒無毒元生永陽池澤及河海邊臨汝人呼爲牛薺草河北信都人名水節河內連內黃呼爲水棘靈南遂寧等郡名龍移草蜀郡人採其花合面藥淮南諸郡名海荏嶺南亦有土地尤宜莖葉肥大名海精木亦名魚精草所在皆有單服之療癰疽等其方云水英主丈夫婦人無故兩脚腫滿連剗脛中痛屈伸急强者名骨風其疾不宜針刺及灸亦不宜服藥惟單煮此藥浸之不經五日卽差數用神驗其藥春取首夏採莖葉及花秋冬用根患前病者每日取五六斤以水一石煮


取三斗及熱浸腳兼淋膝上日夜三四類日用之以差爲度若
腫甚者卽於前方加生椒目三升加水二大斗依前煮取汁將
淋瘡腫隨湯消散候腫消卽摩粉避風乃良忌油膩蒜生菜猪
魚肉等

按水英當對陸英而言滇南有草絕類蒟醬而實黑莖中有
紅汁俗名血滿草浸腳氣濕腫甚效或卽此別入草藥按圖
形不類也

見腫消

三

限草卷之十四



見腫消

圖經見腫消生筠州味酸澀有微毒治狗咬瘡消癰腫春生苗
葉莖紫色高一二尺葉似桑而光面青紫赤色採無時土人多
以生苗葉爛搗貼瘡

直勿子黃圖考

九牛草

三


照草卷之十四



九牛草


圖經九牛草生筠州山岡上味微苦有小毒解風勞治身體痛
二月生苗獨莖高一尺葉似艾葉圓而長背有白毛面青五月
採其青草同煎服不入眾藥用李時珍斥蒙筌以爲斬艾之誤
甚陋余三瑞州訪之未得滇本草有九古牛草味苦性寒走肝
經筋骨痺通經絡破血散癰癥攻癰疽紅腫又治跌打損傷治
宜加詳示知卽此草否也仍分圖之

曲節草



曲節草

圖經曲節草生均州味甘平無毒治發背瘡消癰腫殺毒四月
生苗莖方色青有節七月八月著花似薄荷結子無用葉似劉
寄奴而青軟一名蛇藍一名綠豆青一名六月凌五月六月採
莖葉陰乾與甘草作末米汁調服李時珍以爲六月霜不知何
草按鬼箭羽湖南呼爲六月冷亦結青實或恐一物原圖不晰
存以備考



陰地厥

陰地厥宋圖經收之云生鄧川內鄉山谷葉似青蒿莖青紫色
花作小穗微黃按圖不作穗形李時珍云江浙有之引聖濟總
錄治男婦後胃膈虛熱吐血依原圖繪以俟訪

直勿之草圖考

水甘草



本草綱目卷之五十四

水甘草

圖經水甘草生筠州味甘無毒治小兒風熱丹毒瘡與甘草同煎飲服春生苗莖青色葉如楊柳多生水際無花十月八月採彼土人多單服不入煎藥

竹頭草

空

照草卷之十四



竹頭草

李衍竹譜竹頭草在處有之枝如莠葉長五七寸寬一寸許有細勒道望之如簾竹叢叢秋生白花如菰蔣狀或云無竹處卒欲煮藥取此藥以代之其性與澹竹同今東陽酒匠真呼此爲澹竹葉每歲夏伏採之按陸疏芩草莖如釵股葉如竹叢生澤中下地鹹處爲草眞實牛馬皆喜食之按其形狀與此正合牛馬皆喜食信然此草本草諸書不載故注詩者皆無引據毛晉云藥中黃芩與陸疏不同種又按葢菜亦名岑草其葉亦不似

竹

秀竹

三

隱草卷之十四



莠竹

李衍竹譜莠竹喜生池塘及路傍莖細節高近下曲屈狀若狗
腳南土多茅少草馬見此物必欲食之

白牡丹



白牡丹


迎春花

本草綱目迎春花處處人家栽插之叢生高者二三尺方莖厚
葉葉如初生小椒葉而無齒面青背淡對節生小枝一枝三葉
正月初開小花狀如瑞香花黃色不結實葉氣味苦澁平無毒
主治腫毒惡瘡陰乾研末酒服二三錢出汗便瘥滇志云花黃
色與梅同時故名金梅

千年艾

六菱

隰草卷之十四



千年艾

本草綱目千年艾出武當太和山中小莖高尺許其根如蓬蒿其葉長寸餘無尖極面青背白秋開黃花如野菊而小結實如青珠丹顯之狀三伏日采葉暴乾葉不似艾而作艾香搓之即碎不似艾葉成茸也芎流以充方物葉氣味辛微苦溫無毒主治男子虛寒婦人血氣諸痛水煎服之按南越筆記洋艾本不甚高宜種益益綠葉茸茸如車蓋可療疾兼卻火災當卽此草而俗間以廣中所植皆呼爲洋作記者仍其陋習殆未深考今京師多蓄於煖室經冬不凋尙呼爲斬艾

剪春羅

...



剪春羅

證治要訣火帶瘡遠腰生者剪剪春羅花葉搗爛蜜調塗之爲末亦可

本草綱目李時珍曰剪春羅二月生苗高尺餘柔莖綠葉對生抱莖入夏開花深紅色花大如錢凡六出周迴如剪成可愛結實大如豆內有細子人家多種之爲玩又有剪紅紗花莖高三尺夏秋開花狀如石竹花而稍大四圍如剪鮮紅可愛結穗亦如石竹穗中有細子方書不見用者其功亦應利小便主癰

瘰癧

李衍竹譜篔竹生江浙廣右永湘間甚多枝間有節有葉似桃
其花如石竹差大丹紅一色人家盆檻內亦有種者俗名翦春
羅 按江西湖南多呼爲翦金花又雄黃花以其色名之



箬

箬古今以爲笠蓬亦呼爲蒼禦濕所亟本草綱目始著錄藥物有殊功故備載諸方以箬無棄菅蒯之義

粵婁農曰箬之用廣矣笠以禦雨蓬以行舟裹以避濕摘以習

書

南史徐伯珍少孤貧學書無紙常以竹箭箬葉甘蕉學書

葉如竹與蘆而用勝於竹蘆乃

字書皆未詳及說文若訓擇菜餘皆以箬訓竹籊訓筍唯詩家間有詠及耳夫杜若旣無定詁若木乃涉荒渺文人據摭如數家珍而民間日用之物忽焉不察非所謂畫家喜畫鬼神而不
二六耶李時珍採以入藥品其氣味臚其治療拔真才於瀟湘

被濯而薰盥之脫堂阜於縲綆握禳葭於庭階得一知已沉淪者亦良幸矣吾前過章貢山中將之擷之於蕪穢蒙密間始識其全體土人皆呼爲遼葉李時珍謂其葉疎遼故名按字書遼樹葉疎也則亦可作遼吾謂凡物之遼遠者皆曰遼火燎於原其光遠也窗疎曰寮目朗曰瞭其見遠也山民曰獠外之至矣此草不生平原而遠依山澤謂之曰遼亦外之而已夫物爲人所外而有殊功古所云破天荒者非此類耶華門奎竇之人而皆陵其上其難爲上矣春秋世祿恃以爲獄烏可爲訓

淡竹葉

羊

陽草卷之十四




淡竹葉

淡竹葉詳本草綱目今江西湖南原野多有之考古方淡竹葉
夢溪筆談謂對苦竹而言或又謂自有一種淡竹唯李時珍以
此草定爲淡竹葉又有竹頭草與此相類竹譜亦謂可代淡竹



半邊蓮

半邊蓮詳本草綱目其花如馬蘭只有半邊俚醫亦用之




鹿蹄草

鹿蹄草本草綱目本軒轅述實藤論收入國草調氣味蓋亦未經嘗也主治金瘡蛇犬咬毒有圖存之

水楊梅

三

醫草卷之十四



水楊梅

水楊梅本草綱目始著錄按圖亦與水濱水楊相類生子微似楊梅老則飛絮俗無水楊梅之名恐卽一物而兩存圖之

植物名實圖考

紫花地丁

七四

醫草卷之十四



紫花地丁

本草綱目紫花地丁處處有之其葉似柳而微細夏開紫花結角平地生者起莖溝壑邊生者起蔓普濟方云鄉村籬落生者夏秋開小白花如鈴兒倒垂葉微似木香花之葉此與紫花者相異恐別一種也氣味苦辛寒無毒主治一切癰疽發背疔腫瘰癧無名腫毒惡瘡

按各處所產紫花地丁皆不同此又一種依原圖繪之



常州菩薩草


宋園經菩薩草生江浙州郡近京亦有之味苦無毒中諸藥食
藥者酒研服之又治諸蟲蛇傷飲其汁及研傅之良亦名天
王婦人娠娠咳嗽搗篩蜜丸服之立效此草凌冬不凋秋中有
花直出赤子似翳頭冬月採根用

直勿名醫圖考

密州胡堇草

三

醫草卷之十四



密州胡蘆草

宋圖經胡蘆草生密州東武山田中味辛滑無毒主五臟榮衛
肌肉皮膚中瘀血止疼痛散血絞汁塗金瘡科葉似小蘆菜花
紫色似翹軹花一枝七葉花出三兩莖春採苗使時搗篩與松
枝乳香花桑柴炭亂髮灰同熬如彈丸大如有打撲損筋骨折
斷及惡癰癤腫破以熱酒摩一彈丸服之其疼痛立止

常州石道途草

毛

圖草卷之十四



常州石道透草

宋圖經石道透草生常州味苦微寒無毒療癰瘕諸風手足不遂其草冬夏常有無花實生亦不多採無時俗用搗爲末煉蜜丸如梧桐子大酒服二十粒日三服百日差久服益血輕身初服微有頭疼無害



秦州苦芥子

三

醫草卷之十四



秦州苦芥子

宋圖經苦芥子生秦州苗長一尺已來枝莖青色葉如柳開白花似榆莢其子黑色味苦大寒無毒明眼目治血風煩躁

密州嘉乃草



密州剪刀草

宋圖經剪刀草生江湖及京東近水河溝沙磧中味甘微苦寒無毒葉如剪刀形莖幹似嫩蒲又似三棱苗甚軟其色深青綠每叢十餘莖內抽出一兩莖上分枝開小白花四瓣藥深黃色根大者如杏小者如杏核色白而堅滑五月六月七月採葉正月二月採根一名慈菰一名白地栗一名河鬼茨土人爛搗其莖葉如泥塗傳諸惡瘡腫及小兒遊癩丹毒以冷水調此草膏化如糊以雞羽掃上腫便消退其效殊佳根煮熟味甚甘甜時人作果子常食無毒福州別有一種小異三月生花四時採根

葉亦治癰腫

直刀名目考

密州轉刀草

本草綱目

臨江軍田母草

八上

臨草卷之十四



臨江軍田母草

宋圖經田母草生臨江軍性涼無花實二月採根用主煩熱及小兒風熱用之尤効

南恩州布里草

八三

懸草卷之十四



南恩州布里草

宋圖經布里草生南恩州原野中味苦寒有小毒治皮膚瘡疥
莖高三四尺葉似李而大至夏不花而實食之令人瀉不拘時
採根剉取皮焙乾爲末油和塗瘡疥殺蟲



鼎州地芙蓉

八七

隱草卷之十四



鼎州地芙蓉

宋圖經地芙蓉生鼎州味辛平無毒花主惡瘡葉以傅貼腫毒
九月採

信州黃花了



信州黃花了

宋園經黃花了生信州春生青葉至三月而有花似辣菜花黃色至秋中結實採無時療咽喉口齒



信州田麻

宋圖經田麻生信州田野及溝澗傍春夏生青葉七月八月中
生小莢子冬三月採葉癩癘癩瘡毒